

Il tema da la bancnota da 1000

Il tema da la nova seria da bancnotas è «La Svizra multifara». Mintga bancnota preschenta ina vart tipica da la Svizra che vegn illustrada tras in element principal.

La bancnota da 1000 mussa la Svizra da sia vart communicativa – l'element principal è la lingua.

La strenschida dals mauns sin la vart davant simbolisescha la communicaziun tranter ils umans. Sur il globus sa chattan segns fonetics. L'alfabet fonetic pussibilitescha da pronunziar correctamain plets en differentas linguas.

Il maletg dal parlament sco lieu da la debatta publica ed ina rait averta illustreschan la vart communicativa da la Svizra.

La bancnota ha anc bliers auters tratgs che tractan il tema da la bancnota, la communicaziun, e l'element principal, la lingua.

Scuvri sez la bancnota.

✚ Ina infurmaziun da la Banca naziunala svizra



Dapli infurmaziuns sin www.snb.ch/1000

© Banca naziunala svizra 2019

1000

La nova bancnota da 1000 francs

SNB BNS ✚

La nova bancnota da 1000

La nova bancnota da 1000 francs è cumparida. Ella è la tschintgavla da totalmain sis bancnotas da la nova seria.

Cun la nova seria survegn la Svizra bancnotas ch'èn pli modernas ed anc pli segiras.

Qua vesais Vus la bancnota da 1000: sia concepziun e sias caracteristicas da segirezza ch'èn simplas da controllar.

Il tema da la nova seria è «La Svizra multifara».




Controllai l'autenticità

Las suandantas tschintg caracteristicas da segirezza mussan svelt, sch'ina bancnota è nunfalsifitgada.

1 TEST DAL GLOBUS

Muvai vi e nà la bancnota: in artg d'aur sa mova sur il globus.




2 TEST DA LA STRIVLA

Muvai vi e nà la bancnota: cifras cotschnas e verdas sa movan sin quatter lingias ina vers l'otra.




3 TEST DA LA CRUSCH

Tegnai la crusch svizra en la glisch: ella sa mida en ina bandiera svizra.



4 TEST DAL TRIANGUL

Tegnai il triangul en la glisch: il fil da segirezza è visibel tras e tras.



5 TEST DAL MAUN

Palpai il maun, la cifra 1000 u il num da la Banca naziunala: il squitsch d'arom è da sentir.

